

# “ЯНГИБОЗОР ПАХТА ТОЗАЛАШ” АКЦИЯДОРЛИК ЖАМИЯТИ АКЦИЯДОРЛАРИНИНГ ЙИЛЛИК УМУМИЙ ЙИҒИЛИШИ 1-СОН БАЁННОМАСИ

Хоразм вилояти, Янгибозор тумани,  
Беруний кўчаси, 1-уй.

2022 йил 29 июнь.

Умумий йиғилишнинг ўтиш жойи: Хоразм вилояти, Янгибозор тумани, Беруний кўчаси, 1-уйда “Янгибозор пахта тозалаш” АЖ маъмурий биносининг мажлислар зали.

Акциядорларни рўйхатдан ўтказиш бошланган вақт: **14:00**

Акциядорларни рўйхатдан ўтказиш тугаган вақт: **14:50**

Акциядорлар умумий йиғилиш бошланган вақт: **15:00**

Жамиятнинг овоз берувчи акцияларига эгалик қилувчи акциядорлар эга бўлган овозларнинг умумий сони – **351 699**.

“Янгибозор пахта тозалаш” АЖ акциядорларининг йиллик умумий йиғилиши (келгусида матн давомида - Йиғилиш) 2022 йил 01 июндаги 01/80-сон таклиф хати инobatга олиниб, кузатув кенгаши томонидан 2022 йил 03 июнда қабул қилинган қарорга мувофиқ ўтказилмоқда.

Йиғилишда иштирок этиш ҳуқуқига эга акциядорлар реестри тузилган сана – 2022 йил 23 июнь.

Жамият кузатув кенгашининг аъзоси К.Хусаинова йиғилиш раёсатини сайлаш бўйича таклиф берди.

Акциядорлар томонидан очик овоз бериш йўли билан бир овоздан йиғилиш раёсатига қуйидагилар сайланди:

1. Искандаров Махмудбой Қодирбердиевич – “Хоразмпахтасаноат ҳудудий бирлашмаси” АЖ тугатиш комиссия раиси;
2. Хусаинова Кундузхон Равшонбековна–жамият кузатув кенгаши аъзоси;
3. Ахманов Одилбек Тажибоевич–жамият акциядори.

Йиғилиш раёсати аъзоси О.Ахманов малака ва тажрибага эга бўлган “Хоразмпахтасаноат ҳудудий бирлашмаси” АЖ тугатиш комиссия раиси М.Искандаровни йиғилишда раислик қилувчи этиб ва жамиятнинг акциядорлар билан корпоратив муносабатлар бўйича мутахассис Жумамуратов Рашид Аллаяровични йиғилиш котиби этиб сайлаш таклифини киритди.

Акциядорлар томонидан очик овоз бериш йўли билан бир овоздан йиғилишда раислик қилувчи этиб М. Искандаров ва йиғилиш котиби этиб Р.Жумамуратов сайланди.

Йиғилишни, йиғилишда раислик қилувчи М. Искандаров очди ва акциядорлар ҳамда йиғилиш қатнашчиларини қутлаб, йиғилиш кворуми бўйича ахборот бериш учун сўзни санок комиссияси аъзоси Р.Жумамуратовга берди.

Санок комиссияси ахбороти:

“Қимматли қоғозлар Марказий Депозитарийси” томонидан 2022 йил 23 июнь ҳолатига шакллантирилган “Янгибозор пахта тозалаш” акциядорлик жамияти акциядорлар реестрига мувофиқ, йиғилишда овоз бериш учун 566 та акциядорга тегишли 351 699 дона акциялар катнашиши мумкин.

Акциядорларни рўйхатдан ўтказиш вақти тугаганда, умумий миқдорда 226 507 дона овоз берувчи акцияларга эга бўлган 17 та акциядор (унинг вакили) рўйхатдан ўтди. Бу эса умумий овоз берувчи акцияларнинг 64,40 % ни ташкил этади ва йиғилиш ваколатли (кворумга эга) ҳисобланади.

Йиғилишга таклиф этилганлар:

Н.Отабаев—жамият бош директори в.в.б.;

М. Салаев—жамият тафтиш комиссияси аъзоси;

А.Купаков—жамиятнинг молиявий масалалар бўйича директори ;

Б. Рахимов - МЧЖ “Audit Union” аудиторлик ташкилоти аудитори.

Йиғилишда раислик қилувчи М.Искандаров йиғилиш кун тартибини эълон қилди.

### **КУН ТАРТИБИ:**

1. Санок комиссияси аъзолари сони ва шахсий таркибини тасдиқлаш.
2. Акциядорларнинг йиллик умумий йиғилишининг регламентини тасдиқлаш.
3. Жамият ижроия органи раҳбарининг 2021 йилдаги жамият Бош директорининг ҳисоботини эшитиш.
4. Жамият кузатув кенгашининг 2021 йилдаги фаолияти бўйича ҳисоботини эшитиш.
5. Жамият Бош директор вазифасини вақтинча бажарувчини тайинлаш масаласини кўриб чиқиш.
6. Жамиятнинг 2021 йил якунлари бўйича аудиторлик ташкилотларининг хулосаларини тасдиқлаш.
7. Жамиятнинг 2021 йиллик ҳисоботини ва 2022 йил учун мўлжалланган бизнес-режасини тасдиқлаш.
8. Жамиятнинг 2021 йил якунлари бўйича молия-хўжалик фаолиятини текшириш якунларига кўра тафтиш комиссияси хулосасини эшитиш.
9. Жамият томонидан қайтариб сотиб олинган акцияларни бекор қилиш.
10. Жамият устав фондини камайтириш.
11. Жамият Низомига тегишли ўзгартириш ва қўшимчалар киритиш, янги тахрирда тасдиқлаш.
12. Жамиятнинг 2021 йил якуни бўйича олинган соф фойдасини тақсимлаш.
13. Жамият кузатув кенгаши аъзоларини сайлаш.
14. Жамият кузатув кенгаши аъзоларига ҳақ тўлаш масаласини кўриб чиқиш.
15. Жамиятнинг янги ташкилий тузилмасини тасдиқлаш.

16. Жамиятнинг 2022 йил якуни бўйича аудиторлик текширувини ўтказиш учун аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш.

17. Жамиятда 2021 йил якунлари бўйича ўтказилган корпоратив бошқарув тизимини мустақил баҳолаш натижаларини кўриб чиқиш.

18. Жамият томонидан “E-auksion” электрон савдо платформаларига савдога чиқарилган ва муддатда сотилмаган жамият активларини қийматини белгиланган тартибда босқичма-босқич тушириш масаласини кўриб чиқиш.

19. Жамиятдаги мавжуд фойдаланилмаётганлиги учун таъсирчан солиқ механизми қўлланилаётган объектларни давлат тасарруфига бериш масаласини кўриб чиқиш.

20. Қонунчиликда белгиланган даъво муддати ўтган жамиятнинг дебиторлик ва кредиторлик (шу жумладан дивидендлардан) қарздорликларини ҳисобдан чиқаришни кўриб чиқиш ҳамда бухгалтерия ҳужжатларда тегишли ёзувларни киритиш.

Кун тартиби эълон қилинганидан сўнг, муҳокамага ўтилди.

Кун тартибидаги биринчи масала бўйича йиғилишда раислик қилувчи М. Искандаров сўзга чиқиб, Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 66-моддасига асосан овозларни санаб чиқиш, акциядорларнинг умумий йиғилишида иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият кузатув кенгаши томонидан санақ комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланишини айтди.

Шунга асосан, жамият кузатув кенгашинининг 2022 йил 01 июндаги йиғилиш қарорига кўра санақ комиссияси таркибига жамиятнинг акциядорлар билан корпоратив муносабатлар бўйича мутахассис – Р.Жумамуратов, Ҳуқуқшунос – У.Ахманова ҳамда маъмурий хўжалик(омбор) мудир – Сапарбаев Дониёр Рўзимбоевичлар номзодларини киритиш таклифи берилган бўлиб, жамият акциядорларидан санақ комиссияси сони ҳамда таркибини тасдиқлаш масаласи бўйича ўз муносабатларини бюллетен орқали овоз беришларини сўради.

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги биринчи масала бўйича акциядорларнинг йиллик умумий йиғилиши қарор қилади:

**1. Уч кишидан иборат қуйидаги таркибда санок комиссияси тасдиқлансин:**

- 1. Р.Жумамуратов;**
- 2. У.Ахманова;**
- 3. Д.Сапарбаев.**

**Кун тартибидаги иккинчи масала бўйича** йиғилишда раислик қилувчи М. Искандаров сўзга чиқиб, йиғилиш регламентини йиғилиш қатнашчиларига ўқиб эшиттирди. Мазкур йиғилиш кун тартибида 20 та масала кўрсатилганлигини ва ҳар бир масала бўйича маърузачига - 5 (беш) дақиқадан, муҳокама учун 5 (беш) дақиқадан вақт ажратилиши мақсадга мувофиқ эканлигини айтиб, жамият акциядорларидан акциядорларнинг йиллик умумий йиғилиши регламентини ушбу таклиф бўйича тасдиқлаш масаласига ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги иккинчи масала бўйича акциядорларнинг йиллик умумий йиғилиши қарор қилади:

**1. Жамият акциядорлари йиллик умумий йиғилишининг регламенти тасдиқлансин.**

**Кун тартибидаги учинчи масала бўйича** жамият Бош директори в.в.б. Н.Отабаев сўзга чиқиб, ижроия органи раҳбарининг 2021 йилдаги фаолияти ҳамда жамиятни ривожлантириш стратегиясига эришиш бўйича кўрилаётган чора-тадбирлар тўғрисида ҳисобот берди (*ҳисобот илова қилинади*).

Ҳисоботда, жамиятнинг ишлаб чиқариш, молиявий-хўжалик фаолияти ва бизнес-режа бажарилиши тўғрисидаги кўрсаткичлар ҳамда ишчи-хизматчиларни ижтимоий ҳимоялаш бўйича амалга оширилган ишлар ўз аксини топган.

Йиғилиш қатнашчилари томонидан жамият бош директорининг 2021 йилдаги фаолияти бўйича ҳисоботи муҳокама қилиниб, йўл қўйилган камчиликлар юзасидан бош директори в.в.б. Н.Отабаевга тегишли топшириқлар берилди.

Йиғилишда раислик қилувчи, М.Искандаров акциядорлардан бош директорнинг 2021 йилдаги фаолиятига баҳо бериш ва унинг ҳисоботини

маълумот учун қабул қилиш масаласи бўйича ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги учинчи масала бўйича акциядорларнинг йиллик умумий йиғилиши қарор қилади:

**1. Жамият ижроия органи раҳбарининг 2021 йилдаги фаолияти қониқарли деб топилсин ва ҳисоботи маълумот учун қабул қилинсин.**

**Кун тартибидаги тўртинчи масала бўйича** йиғилишда раислик қилувчи М. Искандаров жамиятнинг кузатув кенгаши аъзоси К. Хусаиновага сўз берди.

К. Хусаинова сўзга чиқиб, йиғилиш қатнашчиларига кузатув кенгашининг 2021 йилдаги фаолияти бўйича ҳисоботини ўқиб эшиттирди (*ҳисобот илова қилинади*).

Ҳисоботда асосан кузатув кенгаши томонидан жамиятни ривожлантириш стратегиясига эришиш бўйича кўрилаётган чора-тадбирлар, ўтказилган йиғилишлар ва йиғилишларда қабул қилинган қарорлар ўз аксини топган.

Йиғилишда раислик қилувчи М. Искандаров акциядорлардан жамият кузатув кенгашининг 2021 йилдаги фаолияти бўйича ҳисоботини маълумот учун қабул қилиш масаласи бўйича ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги тўртинчи масала бўйича акциядорларнинг йиллик умумий йиғилиши қарор қилади:

**1. Жамият кузатув кенгашининг 2021 йилдаги фаолияти бўйича ҳисоботи маълумот учун қабул қилинсин.**

**Кун тартибидаги бешинчи масала бўйича** йиғилишда раислик қилувчи М.Искандаров сўзга чиқиб, йиғилиш қатнашчиларини 2022 йил 10 июндаги Кузатув кенгаши йиғилиши баённомаси билан таништириб ўтди. Баённомада, жамият бош директори вазифасини вақтинча бажарувчиси Жумамуратов Шерали Отабаевич 2022 йил 19 май куни вафот этганлиги сабабли, “Янгибозор пахта тозалаш” АЖ Бош директори вазифасини вақтинча бажариш 2021 йил якуни бўйича ўтказиладиган жамият акциядорларнинг

навбатдаги умумий йиғилишига қадар Отабаев Нурали Шерали ўғли зиммасига юклатилганлигини айтиб ўтди. Бундан сўнг, Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 79-моддасига асосан жамият директорининг, жамият бошқаруви аъзоларининг ҳуқуқ ва мажбуриятлари тегишинча ушбу Қонун ва бошқа қонун ҳужжатларида, жамият уставида ҳамда уларнинг ҳар бири жамият билан бир йил муддатга тузадиган шартномада белгиланиб, шартноманинг амал қилиш муддатини узайтириш ёки уни бекор қилиш мумкинлиги тўғрисида ҳар йили қарор қабул қилиниши тўғрисида маълумот берди.

Йиғилиш раиси М.Искандаров сўзга чиқиб, жамият бош директори в.в.б. Н.Отабаев ваколоти тугаганлиги, ва бош директори лавозимига номзод тайинлаш масаласини кўриб чиқиш зарурлигини таъкидлаб ўтди.

Ўзбекистон Республикаси Президентининг 2020 йил 6 мартдаги 4633-сон қарори ижросини ҳамда “Ўзпахтасаноат” АЖ тугатиш Лойиҳа офиси топшириқларини амалдаги қонунчилик талаблари бўйича хизмат вазифасини бажариб келаётганлигини инобатга олган ҳолда, “Янгибозор пахта тозалаш” АЖ Бош директори в.в.б. Отабаев Нурали Шерали ўғлини акциядорларининг 2022 йил якуни бўйича ўтказиладиган навбатдаги умумий йиғилишигача узайтирилиш таклифини билдирди.

Муҳокамадан кейин, кун тартибидаги бешинчи масала овозга қўйилди.

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги бешинчи масала бўйича акциядорларнинг йиллик умумий йиғилиши қарор қилади:

**1. “Янгибозор пахта тозалаш” акциядорлик жамияти бош директори в.в.б.Отабаев Нурали Шерали ўғли ваколоти 2022 йил якуни бўйича ўтказиладиган жамият акциядорларининг навбатдаги йиллик умумий йиғилишигача узайтирилсин.**

**2. Жамият Бош директори в.в.б. Отабаев Нурали Шерали ўғлига:**

**- ўз вазифаларини бажариш даврида барча бирламчи ва банк ҳужжатларига биринчи имзо қўйиш ҳамда жамият Уставида белгиланган ҳуқуқ ва мажбуриятлардан қонун доирасида фойдаланиш ҳуқуқи берилсин:**

**-“Ўзпахтасаноат” АЖ тугатиш Лойиҳа офиси ҳамда “Хоразмпхтасаноат” ХБАЖ томонидан бажарилиши белгиланган**

**бўйруқ ва топшириқларни ўз вақтида амалга ошириш вазифаси юклатилсин.**

**Кун тартибидаги олтинчи масала бўйича** “Audit Union” аудиторлик ташкилоти аудитори Б.Рахимов сўзга чиқиб, жамиятнинг 2021 йил молия-хўжалик фаолияти якуни бўйича 2022 йил 6 майдаги Миллий стандартларга мувофиқ аудиторлик текшируви хулосаси билан йиғилиш иштирокчиларини таништирди.

Бундан сўнг, МЧЖ “Audit Union” аудиторлик ташкилоти аудитори Б. Рахимов сўзга чиқиб, жамиятнинг 2021 йил молия-хўжалик фаолияти якуни бўйича 2022 йил 6 майдаги Халқаро аудит стандартларга мувофиқ аудиторлик текшируви хулосаси билан йиғилиш иштирокчиларини таништирди.

“Audit Union” МЧЖ аудиторлик ташкилотларининг хулосаларида “Янгибозор пахта тозалаш” АЖнинг 2021 йил 31 декабрь ҳолатидаги молиявий ҳисоботи барча муҳимлилик жиҳатлари бўйича унинг молиявий ҳолатини ва молиявий-хўжалик фаолияти натижаларини ҳаққоний акс эттиради ва Ўзбекистон Республикаси қонунчилигига ҳамда Халқаро стандартларга мувофиқ келади.

Йиғилишда раислик қилувчи М. Искандаров акциядорлардан 2021 йил молия-хўжалик фаолияти якуни бўйича “Audit Union” МЧЖ аудиторлик ташкилотининг 2022 йил 6 майдаги Миллий стандартларга мувофиқ ва “Audit Union” МЧЖ аудиторлик ташкилотининг 2022 йил 6 майдаги Халқаро аудит стандартларга мувофиқ аудиторлик текшируви хулосаларини тасдиқлаш масаласи бўйича ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги олтинчи масала бўйича акциядорларнинг йиллик умумий йиғилиши қарор қилади:

**1. “Audit Union” МЧЖ аудиторлик ташкилотининг 2022 йил 6 майдаги Миллий стандартларга мувофиқ ва МЧЖ “Audit Union” аудиторлик ташкилотининг 2022 йил 6 майдаги Халқаро аудит стандартларига мувофиқ берилган аудиторлик текшируви хулосалари тасдиқлансин.**

**Кун тартибидаги еттинчи масала бўйича** жамиятнинг молиявий масалалар бўйича директори А.Купаковга сўз берилди ва у йиғилиш иштирокчилари эътиборига жамиятнинг 2021 йил якуни бўйича йиллик ҳисоботи ва 2022 йил учун мўлжалланган бизнес-режаси билан йиғилиш

катнашчиларини таништирди (*йиллик ҳисобот ва бизнес-режа илова қилинади*).

Йиғилиш раиси М. Искандаров акциядорлардан жамиятнинг 2022 йиллик бухгалтерия баланси, молиявий натижаларини ҳамда 2022 йил учун мўлжалланган бизнес-режасини тасдиқлаш масаласи бўйича ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

**Нотўғри тўлдирилган бюллетенлар йўқ.**

Кун тартибидаги еттинчи масала бўйича акциядорларнинг йиллик умумий йиғилиши қарор қилади:

- 1. Жамиятнинг 2021 йиллик бухгалтерия баланси ҳамда молиявий натижалари қониқарли деб топилсин ва ҳисоботлари маълумот учун қабул қилинсин.**
- 2. Жамиятнинг 2022 йил учун мўлжалланган бизнес-режасини 1-иловага мувофиқ тасдиқлансин.**

Кун тартибидаги саккизинчи масала бўйича йиғилишда раислик қилувчи М. Искандаров жамиятнинг тафтиш комиссияси аъзоси М. Салаевга сўз берди.

М. Искандаровга жамиятнинг 2021 йил якунлари бўйича молия-хўжалик фаолиятини текшириш якунларига кўра тайёрланган тафтиш комиссияси хулосасини ўқиб эшиттирди (*хулоса илова қилинади*).

Йиғилишда раислик қилувчи, М. Искандаров акциядорлардан жамият тафтиш комиссиясининг хулосасини маълумот учун қабул қилишни таклиф этди ва ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

**Нотўғри тўлдирилган бюллетенлар йўқ.**

Кун тартибидаги саккизинчи масала бўйича акциядорларнинг йиллик умумий йиғилиши қарор қилади:

- 1. Жамиятнинг 2021 йил якунлари бўйича молия-хўжалик фаолиятини текшириш якунларига кўра тузилган тафтиш комиссиясининг хулосаси маълумот учун қабул қилинсин.**



**Кун тартибидаги тўққизинчи масала бўйича** жамиятнинг бош ҳисобчиси А.Купаковга сўз берилди, 2022 йил 08 февралдаги навбатдан ташқари умумий йиғилиши қарорига асосан “Акциядорлик жамиятлари ва акциядорларнинг ҳуқуқларини химоя қилиш тўғрисида”ги Қонунининг 40-41-моддаларига мувофиқ йирик битим тузилганлиги сабабли жамиятнинг 33 нафар акциядорлар томонидан ўзларига тегишли бўлган акцияларни баҳоланган қийматда қайтариб сотиб тўғрисидаги аризаси бўйича 31 954 дона акция жамият томонидан қайтариб сотиб олинган бўлиб, ушбу қайтариб сотиб олинган акцияларни Қонуннинг 40-моддасида назарда тутилган бошқа ҳолларда жамият томонидан қайтариб сотиб олинган акциялар жамият тасарруфига ўтади. Мазкур акциялар овоз бериш ҳуқуқини бермайди, овозларни санаш чоғида ҳисобга олинмайди, улар бўйича дивидендлар ёзилмайди. Бундай акциялар қайтариб сотиб олинган пайтдан эътиборан бир йилдан кечиктирмай реализация қилиниши лозим, акс ҳолда акциядорларнинг умумий йиғилиши мазкур акцияларни бекор қилиш йўли билан жамият устав фондини (устав капиталини) камайтириш тўғрисида қарор қабул қилиниши кераклигини инобатга олган ҳолда акцияларни бекор қилиш таклифини киритди.

Муҳокамадан сўнг, йиғилишда раислик қилувчи М.Искандаров акциядорлардан ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги тўққизинчи масала бўйича акциядорларнинг йиллик умумий йиғилиши қарор қилади:

**1. Жамият томонидан қайтариб сотиб олинган акциялар бекор қилинсин.**

**2. Жамият ижроия органи раҳбарига:**

**-қонунчиликда белгиланган муддат ва тартибда жамият томонидан қайтариб сотиб олинган акциялар ҳисобдан чиқарилиши амалга оширилсин.**

**Кун тартибидаги ўнинчи масала бўйича** йиғилишда раислик қилувчи М. Искандаров сўзга чиқиб, акциядорларни жамият ижроия органи томонидан тайёрланган жамиятнинг янги таҳрирдаги устави лойиҳаси билан таништирди. Бундан сўнг, жамият молиявий масалалар бўйича директор А.Купаков сўзга чиқиб, Ўзбекистон Республикаси Президентининг “Пахтачилик тармоғини бошқариш тизимини тубдан такомиллаштириш чоратадбирлари тўғрисида” 2017 йил 28 ноябрдаги ПҚ-3408-сон Қарори қабул қилинганлиги ва жамият жойлаштирилган акцияларга қўшимча равишда жойлаштиришга ҳақли бўлган эълон қилинган акцияларнинг миқдори

ўзгарганлиги муносабати билан жамият уставини янги таҳрирда тасдиқлаш таклифини киритди.

Муҳокамадан сўнг, йиғилишда раислик қилувчи М. Искандаров акциядорлардан жамият уставини янги таҳрирда тасдиқлаш бўйича ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги ўнинчи масала бўйича акциядорларнинг йиллик умумий йиғилиши қарор қилади:

**1. Жамият устав фонди камайтирилиши тасдиқлансин.**

**2. Жамият ижроия органи раҳбарига:**

**-қонунчиликда белгиланган муддат ва тартибда жамиятнинг устав фондиди камайтирилиши бухгалтерия ҳисоботларида акс эттирилсин.**

**Кун тартибидаги ўн биринчи масала бўйича** жамиятнинг акциядорлар билан корпоратив муносабатлар хизмати бошлиғи – Р.Жумамуратов сўзга чиқиб, қуйидагиларни маълум қилди:

“Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 15-моддасига кўра, жамиятнинг низомига киритилаётган ўзгартириш ва қўшимчалар, шу жумладан янги таҳрирдаги устав ишбу Қонуннинг 14-моддасида жамиятни рўйхатдан ўтказиш учун назарда тутилган тартибда давлат рўйхатидан ўтказилиши лозимлиги ҳамда жамият уставига киритилаётган ўзгартириш ва қўшимчалар ёки жамиятнинг янги таҳрирдаги низоми давлат рўйхатидан ўтказилган пайтдан эътиборан учинчи шахслар учун кучга кириши ҳақида гапирди.

Шундан сўнг жамият директори Н.Отабаев жамият низомига тегишли ўзгартириш ва қўшимчалар киритиш ҳақидаги қарорлар акциядорларнинг умумий йиғилиши томонидан қабул қилинишини айтиб ўтди.

Шунга кўра, жамият низомига тегишли ўзгартириш ва қўшимчалар киритилиши сабабли жамият низомининг янги таҳририни тасдиқлаш лозимлигини билдирди.

Муҳокамадан сўнг, йиғилишда раислик қилувчи М. Искандаров акциядорлардан жамият уставини янги таҳрирда тасдиқлаш бўйича ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги ўн биринчи масала бўйича акциядорларнинг йиллик умумий йиғилиши қарор қилади:

1. Жамиятнинг янги таҳрирдаги устави амалдаги қонунчиликга мувофиқ умумий йиғилиш қарорига асосан қайта рўйхатдан ўтазилиши тасдиқлансин.

2. Жамиятнинг янги таҳрирдаги устави 2-иловага мувофиқ тасдиқлансин.

Кун тартибидаги ўн иккинчи масала бўйича йиғилишда раислик қилувчи М. Искандаров сўзни жамиятнинг бош директори в.в.б Н.Отабаевга берди.

Н.Отабаев йиғилиш иштирокчиларини кун тартибидаги масала бўйича ижроия органининг ва жамият кузатув кенгашининг таклифи билан таништирди.

Бугунги кунда жамиятнинг устав фонди 1 870 303 500 сўмни ташкил этади.

Жамият Уставига асосан жамиятнинг захира фонди жамият устав капиталининг 15 фоиз – 280 545 525 сўм миқдорида тузилади ва 2022 йил 01 июнь ҳолатига захира фонди 173 417 833 сўм, яъни устав капиталнинг 9,2 фоизини ташкил этади.

Жамият акциядорларининг 2021 йиллик умумий йиғилиш қарорига асосан, 2020 йил соф фойдасидан 382 111 683 тақсимланмасдан жамғарилган фойда таркибида қолдирилган маблағ жамиятнинг 2021 йил якуни бўйича соф фойда тақсимоотида инобатга олиш бўйича қарор қабул қилинган.

Жамият томонидан 2021 йил якуни бўйича 16 730 190 873 сўм соф фойда олинган бўлиб, шундан:

- Жамият томонидан 2020 йил якуни бўйича тақсимланмасдан жамғарилган фойда таркибида қолдирилган 382 111 683 сўм жами 17 112 302 556 сўм соф фойдани қуйидагича тақсимлаш тавсия этилади.

-соф фойданинг 29,39 фоизи яъни 5 029 295 700 сўм (дивиденд солиғи билан бирга)ни дивиденд миқдорида акциядорлар ўртасида тақсимлашга йўналтирилсин;

- соф фойданинг 1,5 фоизи яъни 256 684 538 сўмни Кузатув кенгаши аъзолари, тафтиш комиссия аъзолари ҳамда ижроия органи аъзоларини рағбатлантириш учун йўналтирилсин;

-соф фойданинг 69,11 фоизи яъни 11 826 322 318 сўм тақсимланмасдан жамғарилган фойда таркибида қолдирилсин ҳамда мазкур 11 826 322 318 сўм маблағ жамиятнинг 2022 йил якуни бўйича соф фойда тақсимоотида инобатга олиш тавсия этилган.

Муҳокамадан сўнг йиғилишда раислик қилувчи М.Искандаров акциядорлардан кун тартибидаги масала бўйича берилган таклифга ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

**Нотўғри тўлдирилган бюллетенлар йўқ.**

Кун тартибидаги ўн иккинчи масала бўйича акциядорларнинг йиллик умумий йиғилиши қарор қилади:

**1. Жамият томонидан 2021 йил якуни бўйича 16 730 190 873 сўм соф фойда олинган бўлиб, шундан:**

- Жамият томонидан 2021 йил якуни бўйича олинган 16 730 190 873 сўм ҳамда 2020 йил соф фойдасидан тақсимланмасдан жамғарилган фойда таркибида қолдирилган 382 111 683 сўм жами 17 112 302 556 сўм соф фойдани куйидагича тақсимлаш тавсия этилади.

-соф фойданинг 29,39 фоизи яъни 5 029 295 700 сўм (дивиденд солиғи билан бирга)ни дивиденд миқдорида акциядорлар ўртасида тақсимлашга йўналтирилсин;

- соф фойданинг 1,5 фоизи яъни 256 684 538 сўмни Кузатув кенгаши аъзолари, тафтиш комиссия аъзолари ҳамда ижроия органи аъзоларини рағбатлантириш учун йўналтирилсин;

-соф фойданинг 69,11 фоизи яъни 11 826 322 318 сўм тақсимланмасдан жамғарилган фойда таркибида қолдирилсин ҳамда мазкур 11 826 322 318 сўм маблағ жамиятнинг 2022 йил якуни бўйича соф фойда тақсимотида инобатга олинсин.

**2. Дивидендлар мазкур йиғилиш қарори қабул қилинган кундан эътиборан олтмиш кун ичида тўлансин.**

- дивидендларни тўлашни бошлаш санаси: 29 июнь 2022 йил.

- дивидендларни тўлашни тугатиш санаси: 28 август 2022 йил.

**3. Дивидендлар белгиланган тартибда ва юқорида кўрсатилган муддатларда акциядорларнинг банкдаги ҳисоб рақамларига пул маблағларини ўтказиш йўли орқали амалга оширилсин.**

**Кун тартибидаги ўн учинчи масала бўйича** йиғилишда раислик қилувчи М. Искандаров сўз олди ва жамият кузатув кенгаши аъзоларини сайлаш учун жамиятнинг 1 369 620 дона акция эгаси “Хоразмпахтасаноат худудий бирлашмаси” АЖ томонидан кўрсатилган номзодлар тўғрисида маълумот берди.

Қурязов Дониёр Ахмедович -“Давлат активларини бошқариш агентлиги, Хоразм вилояти худудий бошқармаси бўлим бошлиғи, Машарипов Равшан

Джуманазарович-“Давлат активларини бошқариш агентлиги, Хоразм вилояти ҳудудий бошқармаси бош мутахассис, Курбанов Азамат Шарифович -“Давлат активларини бошқариш агентлиги, Хоразм вилояти ҳудудий бошқармаси бош мутахассис, Хусаинова Кундузхон Равшонбековна -“Хоразмпахтасаноат” ҲБАЖ корпоратив масалалар буйича мутахассис, Холиқов Баходир Назарович -“Ўзпахтасаноат” АЖ бош мутахассис, Салаев Матназар Жуманиязович - “Хоразмпахтасаноат” ҲБАЖ бош ҳисобчи, Ахманов Одилбек Тажибоевич - Жамият акциядори номзодлари белгиланган тартибда кузатув кенгаши таркибига сайланиши учун кўрсатилган ва кумулятив овоз бериш бўйича бюллетенларига киритилган.

Муҳокамадан сўнг, йиғилишда раислик қилувчи М. Искандаров акциядорлардан кузатув кенгашига кўрсатилган номзодларни сайлаш учун ўз муносабатларини кумулятив овоз бериш бўйича тузилган бюллетенлар орқали билдиришларини сўради.

**Ушбу масала юзасидан овоз бериш натижалари:**

**“Хоразмпахтасаноат ҳудудий бирлашмаси” АЖ томонидан кўрсатилган номзодлардан:**

Курязов Дониёр Ахмедовичга:

“Ёқлаганлар” – 200 922 та овоз; “Қаршилар”- йўқ; “Бетарафлар”- йўқ.

Машарипов Равшан Джуманазаровичга:

“Ёқлаганлар” – 196 960 та овоз; “Қаршилар”- йўқ; “Бетарафлар”- йўқ.

Курбанов Азамат Шарифовичга:

“Ёқлаганлар” – 195 682 та овоз; “Қаршилар”- йўқ; “Бетарафлар”- йўқ.

Хусаинова Кундузхон Равшонбековнага:

“Ёқлаганлар” – 199 683 та овоз; “Қаршилар”- йўқ; “Бетарафлар”- йўқ.

Холиқов Баходир Назаровичга:

“Ёқлаганлар” – 197 044 та овоз; “Қаршилар”- йўқ; “Бетарафлар”- йўқ.

Салаев Матназар Жуманиязовичга:

“Ёқлаганлар” – 197 380 та овоз; “Қаршилар”- йўқ; “Бетарафлар”- йўқ.

Ахманов Одилбек Тажибоевичга:

“Ёқлаганлар” – 396 978 та овоз; “Қаршилар”- йўқ; “Бетарафлар”- йўқ.

Нотўғри тўлдирилган бюллетенлар йўқ.

Кун тартибидаги ўн учинчи масала бўйича акциядорларнинг йиллик умумий йиғилиши қарор қилади:

**Жамият кузатув кенгаши аъзолигига қуйидагилар сайлансин:**

**“Хоразмпахтасаноат ҳудудий бирлашмаси” АЖ томонидан кўрсатилган номзодлардан:**

1. Қурязов Дониёр Ахмедович -“Давлат активларини бошқариш агентлиги, Хоразм вилояти ҳудудий бошқармаси бўлим бошлиғи
2. Машарипов Равшан Джуманазарович-“Давлат активларини бошқариш агентлиги, Хоразм вилояти ҳудудий бошқармаси бош мутахассис
3. Қурбанов Азамат Шарифович -“Давлат активларини бошқариш агентлиги, Хоразм вилояти ҳудудий бошқармаси бош мутахассис
4. Хусайнова Кундузхон Равшонбековна -“Хоразмпахтасаноат” ХБАЖ Корпоратив масалалар буйича мутахассис
5. Холиқов Баходир Назарович -“Ўзпахтасаноат” АЖ бош мутахассис,
6. Салаев Матназар Жуманиязович - “Хоразмпахтасаноат” ХБАЖ бош ҳисобчи,
7. Ахманов Одилбек Тажибоевич – Акциядор.

Кун тартибдаги ўн тўртинчи масала бўйича йиғилишда раислик қилувчи М. Искандаров сўзга чиқиб, “Ўзпахтасаноат” акциядорлик жамиятини тугатиш Лойиҳа офисининг 2022 йил 24 майдаги АХ-12/578 сон хати билан таништирди.

Хатда Ўзбекистон Республикаси Президентининг 2020 йил 6-мартдаги ПҚ-4633-сон “Пахтачилик соҳасида бозор тамойилларини кенг жорий этиш чора-тадбирлари тўғрисида”ги қарорига асосан “Ўзпахтасаноат” АЖни ва тизим корхоналарида тугатиш ишлари олиб борилаётганлиги, Бундан ташқари Вазирлар Маҳкамасининг тегишли қарорларига асосан пахта тозалаш корхоналарининг мол-мулклари пахта тўқимачилик кластер корхоналарига сотилганлиги сабабли, бугунги кунда асосий ишлаб чиқариш фаолияти кластер корхоналари томонидан амалга оширилиши айтиб ўтилган.

Шунингдек Ўзбекистон Республикаси Президентининг 2022 йил 8-апрелдаги ПФ-101-сон “Тадбиркорлик муҳитини яхшилаш ва хусусий секторни ривожлантириш орқали барқарор иқтисодий ўсиш учун шарт шaroитлар яратиш борасидаги навбатдаги ислохотлар тўғрисида”ги фармонга мувофиқ 2022 йил 01 июлдан бошлаб, давлат иштирокидаги корхоналар кузатув кенгаши аъзоларини рағбатлантириш ва ижро органи аъзолари меҳнатига ҳақ тўлаш бўйича ягона рағбатлантириш сиёсатини жорий этилиши белгиланганлиги ҳисобга олган ҳолда, ҳамда харажатларни қисқартириш мақсадида пахта тозалаш корхоналари акциядорлари (таъсисчилари)нинг навбатдаги йиллик умумий йиғилишларида жамият кузатув кенгаши аъзоларига улар ўз вазифаларини бажариб турган давр учун ҳақ тўлаш масаласини қайта кўриб чиқилишини таъминлаш тавсия этилган.

Йиғилиш раиси муҳокама давомида, Ўзбекистон Республикаси Президентининг 2022 йил 8-апрелдаги ПФ-101-сон Фармонидан келиб чиқиб,

жамият кузатув кенгаши аъзоларига вазифаларини бажариб турган даври учун молия хўжалик йили якунлари бўйича ўтказиладиған акциядорларнинг умумий йиғилишда кўриб чиқиб, ягона рағбатлантиришни жорий этиш бўйича таклиф берди.

Муҳокамадан сўнг, йиғилишда раислик қилувчи М. Искандаров акциядорлардан кун тартибидаги мазкур масала учун ўз муносабатларини бюллетенда овоз бериш орқали билдиришларини сўради.

Кун тартибидаги ўн тўртинчи масала бўйича акциядорларнинг йиллик умумий йиғилиши қарор қилади:

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги ўн тўртинчи масала бўйича акциядорларнинг йиллик умумий йиғилиши қарор қилади:

**1. Жамият кузатув кенгаши аъзоларига ўз вазифаларини бажариб турган давр учун иш ҳақи тўланиб келиниши бекор қилинсин.**

**2. Жамият “Кузатув кенгаши тўғрисида”ги Низоми 3-иловага мувофиқ тасдиқлансин.**

**Кун тартибидаги ўн бешинчи масала бўйича** жамиятнинг молиявий масалалар бўйича директори А.Купаков сўзга чиқиб, жамиятнинг янги ташкилий тузилмаси билан йиғилиш қатнашчиларни таништирди.

Янги ташкилий тузилма Хизматчиларнинг асосий лавозимлари ва ишчилар касбларининг классификаторига асосан ишлаб чиқилганлигини маълум қилинди.

Бундан сўнг, йиғилишда раислик қилувчи М. Искандаров акциядорлардан жамиятнинг янги ташкилий тузилмасини тасдиқлаш масаласи бўйича ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги ўн бешинчи масала бўйича акциядорларнинг йиллик умумий йиғилиши қарор қилади:

**1.Жамиятнинг янги ташкилий тузилмаси 4-иловага мувофиқ тасдиқлансин.**

**Кун тартибидаги ўн олтинчи масала бўйича** жамиятнинг молиявий масалалар бўйича директори А.Купаков сўзга чиқиб, жамиятда

2022 йил якуни бўйича аудиторлик текширувини ўтказиш учун аудиторлик ташкилотларидан жамиятга келиб тушган қуйидаги тижорат таклифлари билан йиғилиш қатнашчиларини таништирди:

т/р	Аудиторлик ташкилотининг номи	Мурожаат санаси ва рақами	Миллий аудит стандартларга мувофиқ аудиторлик текшируви, минг сўмда	Халқаро аудит стандартларга мувофиқ аудиторлик текшируви, минг сўмда
1	МЧЖ “УРГАНЧ АУДИТ”	26.04.2022 йил №4/5	32 000,0	28 000,0
2	МЧЖ “Audit Union” АТ	26.04.2022 йил №1/5	11 270,0	10 235,0

Муҳокама давомида жамият акциядори О.Ахманов жамиятга келиб тушган тижорат таклифларни инобатга олган ҳолда, ташқи аудиторлик текширувини ўтказиш учун аудиторлик ташкилотлари орасидан малакали мутахассисларга ҳамда энг қулай нархларга эга бўлган аудиторлик ташкилотини танлаш зарурлигини билдирди.

Ўзбекистон Республикаси “Аудиторлик фаолияти тўғрисида”ги Қонунининг 16-моддасига асосан аудиторлик ташкилоти айнан бир хўжалик юритувчи субъектнинг фаолиятини кетма-кет уч йилдан ортиқ аудиторлик текширувидан ўтказишга ҳақли эмас. Юқорида кўрсатилган 2 та аудиторлик ташкилотлари кетма-кет уч йилдан ортиқ жамиятни аудиторлик текширувидан ўтказмаган.

Бундан сўнг, йиғилишда раислик қилувчи М. Искандаров акциядорлардан 2022 йил якуни бўйича аудиторлик текширувини ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш масаласи бўйича ўз муносабатларини бюллетен орқали овоз беришларини сўради.

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

**Нотўғри тўлдирилган бюллетенлар йўқ.**

Кун тартибидаги ўн олтинчи масала бўйича акциядорларнинг йиллик умумий йиғилиши қарор қилади:

**1. 2022 йил якуни бўйича аудиторлик текширувини:**

**-Миллий аудит стандартларига мувофиқ аудиторлик текширувини ўтказиш учун МЧЖ “Audit Union” АТ аудиторлик ташкилоти танлансин ва унинг хизматларига тўланадиган ҳақнинг миқдори – 11 270,00 минг сўм белгилансин;**



-Халқаро аудит стандартларига мувофиқ аудиторлик текширувини ўтказиш учун МЧЖ “Audit Union” АТ аудиторлик ташкилоти танлансин ва унинг хизматларига тўланадиган ҳақнинг миқдори - 10 235,00 минг сўм белгилансин.

**2. Жамият ижроия органи раҳбарига:**

-юқорида кўрсатилган аудиторлик ташкилотлари билан белгиланган тартибда шартномаларни тузсин;

-қонунчиликда белгиланган муддатларда жамият акциядорларнинг умумий йиғилиши ва кузатув кенгашига аудиторлик текшируви натижалари бўйича ҳисобот ҳамда хулосаларни киритсин.

Кун тартибидаги ўн еттинчи масала бўйича йиғилишда раислик қилувчи М. Искандаров сўзни жамият бош директори Н.Отабаевга берди.

Н.Отабаев жамиятнинг 2021 йил якунлари бўйича корпоратив бошқарув тизимини мустақил баҳолаш – МЧЖ “Audit Union” АТ томонидан ўтказилганлигини маълум қилиб, ушбу ташкилотнинг 2022 йил 24 майдаги хулосани акциядорларга ўқиб эшиттирди. Хулосага асосан, жамиятнинг корпоратив бошқарув тизими даражаси – 427 баллга баҳоланган, яъни кониқарли деб эътироф этилган (*хулоса илова қилинади*).

Бундан сўнг, кузатув кенгаши аъзоси К. Хусаинова сўзга чиқиб, Корпоратив бошқарув кодексига асосан жамиятларда ўтказилган корпоратив бошқарув тизимини мустақил баҳолаш натижаларини бундан ҳам юқори кўрсаткичларга кўтаришни ижроия органи зиммасига юклатилганлиги ҳақида маълумот берди.

Йиғилишда раислик қилувчи М. Искандаров акциядорларга жамиятда 2021 йил якунлари бўйича ўтказилган корпоратив бошқарув тизимини мустақил баҳолаш бўйича берилган хулосани маълумот учун қабул қилиш бўйича ўз муносабатларини бюллетенда овоз бериш орқали билдиришни таклиф этди.

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

Нотўғри тўлдирилган бюллетенлар йўқ.

Кун тартибидаги ўн еттинчи масала бўйича акциядорларнинг йиллик умумий йиғилиши қарор қилади:

**1. Жамиятда 2021 йил якунлари бўйича ўтказилган корпоратив бошқарув тизимини мустақил баҳолаш натижалари бўйича МЧЖ “Audit Union” АТнинг хулосаси маълумот учун қабул қилинсин.**

**2. Жамият ижроия органи раҳбарига:**

- 2022 йил якунлари бўйича ўтказилган корпоратив бошқарув тизимини мустақил баҳолаш натижаларини бундан ҳам юқори кўрсаткичларга кўтариш бўйича тегишли чоралар кўрсин.

Кун тартибидаги ўн саккизинчи масала бўйича- жамиятнинг молиявий масалалар бўйича директори (Бош ҳисобчи) А.Купаков сўзга чиқиб, Ўзбекистон Республикаси Вазирлар Маҳкамасининг 2014 йил 6 октябрдаги 279-сонли қарорига асосан объект сотилмаган тақдирда бошланғич нархга нисбатан объектнинг нархини босқичма-босқич пасайтириш механизми қўлланиб, аукционга қўйилган объектнинг бошланғич нархининг 50 фоизига етгунча, ҳар 30 кунда аукционга қўйилган бошланғич нархдан 10 фоиз камайтирилиши, бироқ дастлабки нархнинг 50 фоиздан кам бўлмаган миқдоргача белгиланганлигини айтиб ўтиб, ушбу механизмдан фойдаланишни таклиф қилди.

“E-ijro auksion” электрон савдо майдончасида аукцион савдосида сотилмасдан турган объектнинг бошланғич нархига нисбатан объектнинг нархини босқичма-босқич пасайтириш механизминини қўллаб, аукционга қўйилган объектнинг бошланғич нархининг 50 фоизига етгунча, ҳар савдода аукционга қўйилган бошланғич нархдан 10 фоиз камайтириш, бироқ дастлабки нархнинг 50 фоизидан кам бўлмаган нархда очиқ аукцион савдоларида сотиш таклифини киритди.

Муҳокамадан сўнг, йиғилишда раислик қилувчи М. Искандаров акциядорлардан кун тартибидаги мазкур масала учун ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

**Нотўғри тўлдирилган бюллетенлар йўқ.**

Кун тартибидаги ўн саккизинчи масала бўйича акциядорларнинг йиллик умумий йиғилиши қарор қилади:

**“Янгибозор пахта тозалаш” АЖ балансидаги “E-ijro” auksion савдосига чиқарилган улушларини, объектларини нархини босқичма-босқич пасайтириш механизминини қўллаб, аукционга қўйилган улушлар ҳамда объектларнинг бошланғич нархининг 50 фоизига етгунча, ҳар савдода аукционга қўйилган бошланғич нархдан 10 фоиз камайтириш, бироқ дастлабки нархнинг 50 фоизидан кам бўлмаган нархда “E-ijro auksion” аукцион савдоларида сотишга руҳсат этилсин.**

Кун тартибидаги ўн тўққизинчи масала бўйича - жамиятнинг молиявий масалалар бўйича директори (Бош ҳисобчи) А.Купаков сўзга чиқиб, ҳозирги кунда жамиятда фойдаланилмаётган объектлар йўқлиги ва “Янгибозор пахта тозалаш” АЖга тегишли бўлган барча объектлар кластер ташкилотчиларига

олди-сотди шартномаси асосида фойдаланиб келинмоқда, таъсирчан солиқ механизми мавжуд эмаслиги ҳақида акциядорларга тушунча бериб ўтди.

Муҳокамадан сўнг йиғилишда раислик қилувчи М.Искандаров акциядорлардан кун тартибидаги масала бўйича берилган таклифга ўз муносабатларини бюллетенда овоз бериш орқали билдиришларини сўради.

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

Кун тартибидаги ўн тўққизинчи масала бўйича акциядорларнинг йиллик умумий йиғилиши қарор қилади:

**“Янгибозор пахта тозалаш” АЖ га тегишли бўлган бугунги кунда фойдаланилмаётган объектлар жамият балансида мавжуд эмаслиги маълумот учун қабул қилинсин ва тасдиқлансин.**

**Кун тартибидаги йигирманчи масала бўйича** йиғилишда раислик қилувчи М. Искандаров сўзни жамият молиявий масалалар бўйича директори А.Купаковга берди.

А.Купаков сўзга чиқиб, жамиятнинг дебиторлик ва кредиторлик қарздорликлари таҳлилини ўтказиш мақсадида Бош директор бошчилигида ишчи-гуруҳи тузилган ва мазкур ишчи-гуруҳининг хулосасига асосан 2022 йил 01 июнь ҳолатига қонунчиликда белгиланган даъво муддати ўтган жамиятнинг 675 062 сўмлик дебиторлик қарздорликлари мавжудлиги ҳақида маълумот берди (*хулоса илова қилинади*).

Муҳокамада йиғилишда раислик қилувчи М. Искандаров ушбу қарздорликларни ҳисобдан чиқаришни ва бухгалтерия ҳужжатларига тегишли ёзувларни киритишни таклиф этди.

Кун тартибидаги йигирманчи масала юзасидан йиғилишда раислик қилувчи М. Искандаров акциядорларга ўз муносабатларини бюллетенда овоз бериш орқали билдиришни таклиф этди.

**Ушбу масала юзасидан овоз бериш натижалари:**

**“Ёқлаганлар” – 226 507 та овоз билан 100,0%;**

**“Қаршилар”- йўқ; “Бетарафлар”- йўқ.**

**Нотўғри тўлдирилган бюллетенлар йўқ.**

Кун тартибидаги йигирманчи масала бўйича акциядорларнинг йиллик умумий йиғилиши қарор қилади:

**1. Жамиятнинг қонунчиликда белгиланган даъво муддати ўтган жамиятнинг дебиторлик қарздорликлари 5-иловадаги рўйхатга мувофиқ**

хисобдан чиқарилсин ҳамда бухгалтерия ҳужжатларига тегишли ёзувлар киритилсин.

**2. Жамият ижроия органи раҳбарига:**

- жамиятнинг дебиторлик ва кредиторлик қарзларининг ошиб кетишига йўл қўймаслик бўйича тегишли чораларни кўриш;

- барча турдаги харажатлар қисқартирилишига эришиш юклатилсин.

Акциядорларнинг йиллик умумий йиғилиши томонидан қабул қилинган қарорлар эълон қилинганидан сўнг, йиғилишда раислик қилувчи М. Искандаров акциядорларга уларнинг иштироки учун миннатдорчилик билдириб, йиғилишни ёпиқ деб эълон қилди.

Йиғилишда раислик қилувчи:  М. Искандаров

Йиғилиш котиби:  Р.Жумамуратов



Йиғилиш баённомаси 2022 йил 08 июль куни икки нусхада тузилди.